



六朝事迹編類

一

ル 5  
1193  
1





門凡  
1193  
1

門凡  
1193  
卷一-4



仿宋紹興建  
康府學本六  
朝事迹編類  
十四卷



光緒十三年春正月刊夏五月工完

寶章閣藏版

六朝事迹編類序

左奉議郎充江南東路安撫司幹辦公事張敦頤養正撰

建康禹貢揚州之域斗牛分野在周為吳在春秋  
 末為越魯哀公二十二年自越之後一百四十年  
 為楚周顯王三十四年自楚之後一百一十年為秦楚  
 乃周赧王時也初楚威王因山立號置金陵邑  
 或云以此有王氣因埋金以鎮之云地及秦兼  
 接金壇之陵故謂之金陵今石頭城是也諸侯分天下為三十六郡以金陵屬鄣郡故鄣為  
 也郡是時望氣者云五百年後金陵有天子氣始皇  
 東巡乃鑿鍾阜斷長隴以通流改其地為秣陵縣  
 秦秣陵縣在今府城東南六里秣陵橋東北故城是也漢武帝元封初廢鄣  
 郡置丹陽郡而秣陵縣不改漢初置揚州治無定



所輿地志云先理歷陽後理壽春其後又徙曲阿漢建安十六年孫權自京口徙治秣陵明年城石頭改秣陵爲建業晉太康初廢建業復爲秣陵愍帝諱業即改爲建康元帝即位以建康太守爲丹陽尹宋齊而下咸都於此焉隋平陳廢丹陽郡乃於石頭城置蔣州併秣陵建康同夏三縣入江寧縣唐武德二年爲揚州東南道行臺置尚書省輔公祐據江東七年平又改爲蔣州八年罷行臺稱揚州大都督府領上元金陵句容丹陽溧水等縣九年移揚州治江都改金陵爲白下縣屬潤州正觀七年復爲揚州乾元元年改爲昇州上元二年廢光啟三年復仍以上元句容溧水溧陽四縣隸

之置節度使天祐四年揚行密據其地十一年城昇州十四年城成爲金陵府僞吳天祚元年號曰齊國封李昇爲齊王以金陵爲西都以廣陵爲東都後又改江寧府昇僭位國號唐三主在位共皇朝開寶八年平之復爲昇州天禧二年復改江寧府建炎三年改建康府此金陵郡邑升降廢置之不常也余因覽圖經實錄疑所載六朝事迹尚有脫誤乃取吳志晉書及齊宋而下史傳與夫當時之碑記參訂而考之分門編類綴爲篇目凡十有四卷雖猥陋無益於治道然展卷則三百餘年興衰之迹若身履乎其間非徒得之傳聞而已同志之士盍補其所未備者而傳之紹興歲次庚辰八



月新安張敦頤序

寶章閣藏版

六朝事迹編類目錄

左奉議郎充江南東路安撫司幹辦公事張敦頤養正撰

總敘門第一

六朝興廢

六朝建都

六朝宮殿

六朝郊社

六朝郡國

六朝保守

形勢門第二

鍾阜建康之東北

石城建康之西

朱雀航建康之南

真武湖建康之北

城闕門第三

越城

金城

冶城

臺城



琅琊郡城

同夏縣城

臨沂縣城

蔣州城

石闕

白下門

樓臺門第四

亭館間

落星臺

入漢樓

周處臺

亦名子隱堂

九日臺

梁昭明書臺

建康縣城

白下縣城

檀城

吳固城

朱雀門

丹陽門

烽火樓

景陽樓

衛玠臺

雨花臺

新亭

五馬亭

白下亭

賞心亭

儒學館

儀賢堂

被禊堂

三閣

層城觀

亦名穿城樓

桂林苑

上林苑

芳樂苑

東冶亭

翠微亭

三山亭

湯泉館

聽箏堂

蠶堂

馳道

齊雲觀

樂遊苑

芳林苑

江河門第五

溝渠亦溪井附



大江  
直瀆  
青溪  
霹靂溝  
蟹浦  
落义池  
邀笛步  
迎擔湖  
半陽湖  
固城湖  
溧陽源  
五馬渡

秦淮  
橫塘  
潮溝  
北渠  
覆杯池  
石池  
太子湖  
蘇峻湖  
絳巖湖  
丹陽湖  
麾扇渡  
桃葉渡

寶章閣藏版

白鷺洲  
葛仙丹井  
景陽井亦名朋井  
山岡門第六  
石碗山  
鳳臺山  
幕府山  
方山  
東山  
湯山  
臨沂山  
盧龍山

長命洲  
應潮井  
藏冰井  
天闕山  
覆舟山  
雞籠山  
攝山  
白山  
大壯觀山  
祈澤山  
馬鞍山

大明寺亦名白雲寺



大城山	望祭山
絳巖山	竹里山
濁山	東廬山
大巫山	小巫山
平陵山	鐵冶山
白土岡	白楊路
千佛嶺	謝安墩
桃花塢	方山塢
雞鳴埭	射雉場
絕地	鑄劍坑
宅舍門第七	言偃里
孔子巷	

寶章閣藏版

四學	諸葛恪宅
陸機宅	杜姥宅
劉子珪宅	沈約宅
朱异宅	孫場宅
江令宅	宋齊上宅
烏衣巷	扶南樂署
乘黃署	銅螭署
錦署	紙官署
焚衣街	
讖記門第八	
三斷石	石印
石室	潛鶴鼓



獨足臺

秦淮石誌

靈異門第九

新洲

郝氏化蛇

生人獲

牝狙觸網

神仙門第十

白都山

仙杏山

華陽洞

靜壇

寶公銅牌記

天水碧

八功德水

燕雀湖

木醴

感龍產鯉

茅君山

石城洞

仙人臺

春澗

寶章閣藏版

道士塢

鷲洞宮

青元觀

太平觀

太虛觀

寺院門第十一

吳建初寺

祈澤寺

寶乘院

大愛敬寺

法光寺

華陽宮

洞元觀

玉晨觀

尋仙觀

鐵索寺

棲霞禪寺

長干寺

明慶寺

同泰寺

亦名草堂寺

今名鹿苑寺

今名天禧寺



法寶寺

亦名臺城

普濟寺

舊名頭陀寺

聖湯延祥寺

清涼廣惠禪寺

淨妙寺

舊名齊安寺

半山寶寧禪寺

廟宇門第十二

蔣帝廟

晉元帝廟

晉謝將軍廟

菩提王廟

梁祈澤夫人廟

寶林寺

佛窟寺

景德寺

昇元寺

亦名五棺寺

能仁寺

吳大帝廟

晉卞忠正廟

晉陰山廟

楚靳尚廟

青溪夫人廟

寶章閣藏版

二判官廟

楚平王廟

潘真君廟

炳靈公廟

張僕射廟

武烈帝廟

墳陵門第十三

吳大帝陵

吳宣明太子墳

吳葛仙翁墓

晉明帝陵

晉康帝陵

茅君白鶴廟

荆將君廟

興德王廟

五龍堂

茅司徒廟

吳步夫人陵

吳甘寧墓

晉元帝陵

晉成帝陵

晉穆帝陵



晉長帝陵

晉簡文帝陵

晉孝武帝陵

晉安帝陵

晉恭帝陵

晉山簡墓

晉溫嶠夫人墓

晉郭璞墓

晉竺使君墓

宋武帝陵

宋文帝陵

宋文帝袁后陵

宋明宣沈太后陵

宋明帝陵

大司徒甄邯墓附

宋謝濤墓

宋謝濤夫人王氏墓

冥漢君墓附

齊明欽劉后陵

齊巴東獻武公墓

齊明僧紹墓

梁吳平忠侯墓

梁始興王墓

寶章閣藏版

梁安成王墓

梁臨川王墓

梁建安侯墓

陳高祖陵

陳文帝陵

左伯桃墓

雙女墓

南唐張懿公墓

南唐李順公墓

南唐高越墓

碑刻門第十四

吳後主封禪碑

紀功三段石碑

晉西平侯顏含大宗碑

晉西平侯顏府君碑

晉竺使君碑

晉竺使君頌

宋謝濤夫人王氏墓誌

齊巴東獻武公碑

梁始興王碑



梁安成王碑

梁永陽昭王墓誌銘

梁永陽敬太妃墓誌銘

梁臨川靖惠王神道石柱

梁吳平忠侯神道石柱

梁建安敏侯神道石柱

梁許真人壇碑陰刻華陽頌

陳江總棲霞寺碑  
陳宮井欄題刻

隋平陳碑  
唐明徵君碑

唐棲霞寺齊會記  
唐律大師碑

唐蔣山開善寺記

唐玉清觀四等碑

寶章閣藏版

唐沈傳師齋疏及題名

唐王法主碑  
唐玄靖先生碑

唐遙傷孫尊師詩碑

唐韋君碑  
唐下泊公記

唐白鶴廟記  
唐正義女碑

偽吳銅鐘鑄文  
偽吳釘石鑄文

南唐寶華宮碑  
南唐請鐘記

南唐寶華宮功德付物記

南唐李順公碑  
南唐張懿公碑

南唐蔣帝廟碑  
南唐紫陽觀碑

南唐許真人井銘  
南唐徐鉉題名

南唐宋齊丘鳳臺山詩



南唐夫人易氏墓誌額

南唐李後主祭悟空文德慶堂額

南唐開善寺井記 南唐義井欄刻

南唐棲霞寺僧用虛詩

景德棲霞寺殿記 景祐蔣廟碑

惠烈廟記 蔣廟篆祭文

道光泉記 八功德水記

蔣山寺莊田記 蕭帝寺記

子隱堂記 白雲菴記

寶禪師語錄序

潘元卓校官碑 漢碑附此

六朝事迹編類目錄終

光祿寺署正上元李濱古漁重校刊



六朝事迹編類卷之一

左奉議郎充江南東路安撫司幹辦八事張敦頤養正課



總敘門

六朝興廢

吳

大帝 即位在魏太和七年壬寅歲

權字仲謀姓孫氏吳郡富泰人堅之次子兄策為吳侯將死以事授之破曹操於赤壁襲關羽於荊州黃武元年四月即位在位三十一年年七十葬蔣陵

年號

黃武 七 黃龍 三 嘉禾 六 赤烏 十三 大元



會稽王 即位在魏嘉平四年壬寅歲

權少子諱亮字子明母潘氏權薨即位至太平三年謀誅大將軍孫綝不克綝黜亮為會稽王永安三年孫休鳩殺之在位七年

年號

神鳳二 五鳳二 太平三

景帝 即位在魏甘露三年戊寅歲

權第六子諱休字子烈母王氏亮廢綝迎休即位因臘受賀縛而殺之永安七年七月休薨在位七年

年號

寶章閣藏版

永安七

歸命侯 即位在魏咸熙元年甲申歲

權廢太子和之子諱皓字元宗母何氏休薨丞相僕陽興大將軍張布說太后朱氏迎皓即帝位皓既得志驕淫粗暴誅興布殺景后天紀四年晉遣王濬舟師至建業之石頭皓降之舉家西遷晉太康元年詔賜爵歸命侯越五年死在位十七年年四十三

年號

元興一 甘露一 寶鼎三 建衡三 鳳凰三

天冊一 天璽一 天紀五

右吳四主共六十二年



吳初都鄂後遷建業傳世四東據江南盡海置  
交理龍編今廣廣理番禺荆理南郡郢理今江鄧理今鄂四  
州有郡四十二以建平歸西陵陸抗鎮守樂郡  
江陵松南郡巴丘岳州魯肅夏口鄂州武昌州  
縣皖城舒州濡須州鳩州牛渚州圻州為重鎮後得沔  
口邾城廣陵自孫權破曹操於赤壁之後時  
劉璋牧益州周瑜請於權曰乞與奮威俱進取  
蜀而并張魯還與將軍據襄陽以躡操北方可  
圖也

東晉繼西晉

元帝

諱睿字景文姓司馬氏西晉宣帝懿之曾孫琅琊

恭王觀之子母恭王妃夏侯氏妃通小吏牛金生  
元帝故元石圖有牛在馬後初嗣父位永嘉初用  
王導計鎮建業西都不守承制改元稱王愍帝崩  
問至遂即位元年金德都建業帝性簡儉初拜貴  
人有司請市雀釵帝以煩費不許所幸鄭夫人衣  
無文綵永昌元年崩在位六年年四十七葬建平  
陵廟號中宗

年號

建武一大興四永昌一

明帝

元帝長子諱紹字道畿母荀氏元帝貴人永昌元  
年閏十一月即帝位元年癸未大寧二年王敦舉兵內



向帝乘巴嶺多年駿馬微行觀敦營壘敦夢日環其城驚曰此必鮮卑奴來帝狀類外氏鬚黃故云秋七月敦水陸五萬至於南岸帝擊破之敦憤惋而死三年閏八月帝崩在位三年年三十葬武平陵

年號

大寧三

成帝

明帝長子諱衍字世根母庾氏明帝崩帝即位年五歲中書令庾亮輔政丙午咸和三年蘇峻作亂遷帝於石頭陶侃攻殺峻賊黨立峻弟逸為帥滕舍敗逸奉御於温嶠舟已而造新宮遷之咸康八

寶章閣藏版

年六月崩在位十七年年二十二葬興平陵

年號

咸和九咸康八

康帝

成帝母弟諱岳字世同咸康八年六月即位

元年癸卯

建元三年九月崩在位三年年二十三葬崇平陵

年號

建元三

穆帝

康帝子諱聃字彭祖母褚氏康帝崩帝即位年二歲褚后臨朝元甲升平五年崩在位十七年年十九葬永平陵



年號

永和十二升平五

哀帝

成帝長子諱丕字千齡所生母周氏穆帝崩帝即位元年成帝雅好黃老辟穀餌藥遂中毒不識萬幾興寧三年崩在位四年年二十五葬安平陵

年號

隆和一興寧三

廢帝

哀帝母弟諱奕字延齡哀帝崩無嗣皇太后迎帝即位元年桓温欲立威權憚帝守道誣以牀第廢為東海王又為海西公安於屈辱太元十一年崩

寶章閣藏版

在位六年年四十五葬安平陵

年號

太和六

簡文帝

元帝少子諱昱字道萬所生母鄭氏廢帝廢皇太后詔統皇極咸安元年十一月即位元年辛未二年崩年五十三葬高平陵

年號

咸安二

孝武帝

簡文帝第三子諱曜字昌明所生母李氏咸安二年即位元年癸酉帝溺於酒色長星見心甚惡之於華



林園舉酒曰長星勸汝一杯酒自古何嘗有萬歲天子邪初簡文帝見讖云晉祚盡昌明及李太后有身夢神人謂曰汝生男宜字昌明及產東方始明因以為名簡文後悟乃流涕時帝戲所寵張貴人以年幾三十當廢貴人潛怒向夕帝醉遂暴崩在位二十四年年三十五年號

寧康三太元二十一

安帝

孝武帝長子諱德宗字德宗所生母陳氏武帝淑媛太元二十一年即位元興三年桓靈寶逼帝西上後復逼東下督護馮遷斬靈寶帝反正於

寶章閣藏版

江陵義熙十四年十二月崩在位二十二年年三十七葬休平陵初讖云昌明之後有二帝劉裕將為禪代密使王韶之縊帝而立恭帝以應二帝云年號

隆安五元興三義熙十四

恭帝

安帝母弟諱德文安帝崩劉裕矯詔立帝元興元年熙二年六月禪位於裕裕以帝為零陵王居秣陵二年裕使人踰垣弑帝在位二年年三十六謚恭帝葬沖平陵

年號

元熙二



右東晉十一帝都建康共一百六年

劉聰既殺愍帝元帝即位遷都建康號曰東晉

傳世凡十有一爰自永嘉南渡境宇殊狹禹貢

九州之地僅有其二元帝初命祖逖鎮雍丘京

逖死北境漸蹙於是荆豫自淮北蔡穎青兗

四州淄登萊密海及徐州之半徐沂陷劉曜石勒

以合肥今廬州淮陰今楚壽陽石季龍死後泗口

泗州角城州在泗為重鎮成帝時鄧守將退屯襄

陽城今穀穆帝時平蜀漢擒李復梁益之地又遣

軍西伐入關至灊上健討苻再北伐一至洛陽討

姚襄於伊水一至枋頭州衛所得郡縣軍旋又復

失洎苻堅東平慕容暉西南陷蜀漢西克姑臧

寶章閣藏版

涼州則漢水長淮以北悉為堅有及堅敗再復梁

益青徐兗荆河內之地其後青兗陷於慕容德

荆河司陷於姚興以彭城為北境藩扞後梁益

又陷於譙縱義熙初每因劉石苻姚衰亂之際則

進兵屯戍在於漢中襄陽彭城然大抵上明今

陵縣江陵夏口武昌合肥壽陽淮陰常為晉氏

鎮守義熙以後又復青兗司荆河梁益之地而

政移於劉氏之宋矣

宋繼東晉

宋武帝

高祖武帝劉裕字德輿小字寄奴彭城人楚元王  
交二十二世孫父翹郡功曹母穆氏元熙二年十



二月晉恭帝禪位帝表讓至再永初元年夏六月  
丁卯即位改元元年都建康傳世凡八帝以儉德  
先天下碎虎魄枕施直脚牀卻入筒布用葛燈籠  
三年五月己亥崩於西殿在位三年年六十七葬  
蔣山初寧陵廟號高祖

年號

永初三

少帝

武帝長子諱義符小字車兵母張夫人永初三年  
夏五月癸亥以皇太子即帝位元年景平二年夏  
五月己酉皇太后令暴其過惡廢為營陽王六月  
癸丑徐羨之弒帝於金昌亭在位二年年十九

寶章閣藏版

年號

景平二

文帝

武帝第三子諱義隆小字車兒母胡婕妤少帝廢  
徐羨之等迎立元嘉元年秋八月丁酉即帝位元年  
甲子三十年二月甲子為元凶太子劭所弒在位三  
十年年四十七葬長寧陵廟號太祖

年號

元嘉三十

孝武帝

文帝第三子諱駿字休龍母路淑媛殺元凶劭自  
立既年元嘉三十年四月辛酉即皇帝位於新亭



帝少機穎讀書七行俱下才藻甚美大明八年夏五月庚申崩在位十一年年三十五葬秣陵巖山景寧陵廟號世祖

年號

孝建 三 大明 八

前廢帝

孝武帝長子諱子業字法師大明八年閏五月庚午以皇太子即位元年帝自以昔在東宮時不為孝武所禮及即位將掘景寧陵太史言於帝不利乃縱糞於陵肆罵孝武為魑壯切奴又發殷貴妃墓十一月帝左右壽寂之等謀廢帝懷刀入宮弒之乃崩於華光殿在位一年年十七葬丹陽秣陵

寶章閣藏版

年號

景和 一 正月乙未改元永光

明帝

文帝第十一子諱彧字休景母沈婕妤泰始元年冬十二月丙寅即帝位元年泰豫元年夏四月己亥崩於景福殿在位八年年三十四泰豫元年五月戊寅葬臨沂縣幕府山高寧陵廟號太宗

年號

泰始 七 泰豫 一

後廢帝

明帝長子名昱字德融母陳氏李道兒妾人呼為李氏子明帝崩以皇太子即帝位元年孝武二十



八子明帝殺其十六餘皆帝殺之元徽五年七月  
七夕楊玉夫等入氈幄內弑帝於仁壽殿在位五  
年年十五葬秣陵

年號

元徽 五

順帝

明帝第三子諱準字仲謨蕭道成奉太后令迎立  
昇明元年七月壬辰即帝位元年改元徽五年為  
昇明元年三月四月壬辰禪位於齊齊封為汝陰  
王建元元年五月己未弑之在位三年年十三葬  
於遂寧陵

年號

寶章閣藏版

昇明 三

右劉宋八帝共六十年

宋武帝北平廣固慕容超廣西定梁益譙又克

長安姚盡得河南之地長安尋為赫連勃勃所

陷至廢帝景和中武牢以西復陷後魏今大較

以孝武大明為正凡二十有二州揚理建業建

康南徐理京口丹徒徐州徐理彭城今徐南兗理

廣陵揚兗理瑕丘今兗南豫理歷陽今和豫

理汝南今蔡州江理潯陽今江青理臨淄初理

復理廣固後又移冀理歷城今濟司理義陽今

陽臨淄今青州郢理江夏今鄂湘理臨湘今

州雍理襄陽今襄梁理南鄭今興元秦亦理南



鄭益理成都今府寧理建寧今州廣理南海今州廣

交理龍編今南府越理臨漳今州廉郡凡二百三十

八縣千七百七十九初文帝元嘉中遣將北伐水

軍入河克魏碣磔滑臺今州武牢今南洛陽今西

京西城其後又失又分軍北伐西軍克弘農關

陝二城東軍攻滑臺不克而平碣磔守之尋皆

敗退於是後魏太武總師經彭城臨江屯於瓜

步揚州退攻盱眙今州楚不拔而還明帝時後魏又

南侵失淮北青冀徐兗四州又豫州淮西境悉

陷沒則長淮為北境僑徐兗於淮南淮陰立兗

楚州鍾離今立徐立青冀二州寄理贛榆今東海縣

其後十餘年而滅亡然其初疆盛也南鄭襄陽

寶章閣藏版

垂瓠今在蔡州形彭城歷城東陽今青州皆為

宋氏藩扞

南齊繼宋

高帝

蕭氏諱道成字紹伯蘭陵人漢蕭何二十一世孫

建元元年夏四月甲午受宋禪即帝位於南郊元

紀都建康傳世凡七帝性簡儉後宮器物檻欄以

銅為飾皆改用鐵內殿施黃紗帳宮人著紫皮履

華蓋除金華瓜用鐵回釘每日使我臨天下十年

當使黃金與土同價四年三月壬戌崩於臨光殿

在位四年年五十六葬於武進泰安陵廟號太祖

年號



建元四

武帝

高帝長子諱頤字宣遠建元四年三月壬戌以皇太子即帝位癸亥年明年正月辛亥改元永明帝性剛毅有斷政總大體以富國為先頗喜遊宴雕綺之事言常恨之未能頓遣永明十一年七月戊寅崩於延昌殿在位十一年年五十四葬景安陵廟號世祖

年號

永明十一

廢帝鬱林王

武帝孫文惠太子長子諱昭業字元尚小字法身

寶章閣藏版

永明十一年戊寅武帝崩以皇太孫即帝位元年甲戌帝淫亂賞賜左右動至百數十萬每見錢曰我昔思汝一箇不得今日得用汝矣西昌侯鸞屢諫不聽帝欲誅鸞鸞使蕭湛領兵入宮弒之在位一年年二十二

年號

隆昌一

廢帝海陵王

文惠太子第二子諱昭文字季尚鬱林王廢延興元年秋七月丁酉即皇帝位時宣城王鸞輔政帝起居皆諮而後行十月辛亥皇太后使宣城王入纂帝統令廢帝為海陵王建武元年冬十一月鸞



稱王有疾遣御師占視乃殞之在位四月年十五

年號

延興

是年一歲三號

明帝

始安貞王子諱鸞字景棲海陵王廢太后以帝纂  
統建武元年十月辛亥即帝位元年乙亥永泰元年七  
月己酉帝崩於正福殿在位五年年四十七

年號

建武

四 永泰 一

廢帝東昏侯

明帝第二子諱寶卷字智藏永泰元年七月己酉  
以皇太子即帝位元年己卯帝惑於潘妃為神仙等殿

寶章閣藏版

極奢麗又鑿金為蓮花以帖地令潘妃行其上曰  
此步步生蓮花也永元三年秋七月蕭衍至南豫  
州帝閉宮門自守十二月王珍國張稷率兵入殿  
弑帝斬首送蕭衍在位三年年十九

年號

永元 三

和帝

明帝第八子諱寶融字智昭中興元年三月乙巳  
即皇帝位辛巳二年遜位於梁梁奉帝為巴陵王  
宮於姑熟四月戊辰殂追尊為和帝在位二年年  
十五葬恭安陵

年號



中興二

右齊七帝共二十四年

南齊淮北之地所有絕少青州理朐山今海州冀

理渦口今泗州臨淮縣南豫理壽州今壽州北兗理淮陰

州今楚北徐理鍾離今濠州又增置巴州理巴東今夔

其餘州郡悉因前代州凡二十有二郡三百

九十五縣千四百七十四其後頻為後魏所侵

至東昏永元初沔北諸郡相繼敗沒今鄧州地又遣

軍北伐敗於馬圈屯盆城今鄧州界又失壽春後三

年齊亾然其始全盛也南鄭今興元府樊城今襄州

襄陽今襄州義陽今信陽壽春今壽州淮陰今楚州角城

今泗州臨淮縣連口今泗州連水縣北朐山今海州悉為重鎮

寶章閣藏版

梁 繼齊

武帝

蕭氏諱衍字叔達蘭陵人父為丹陽尹母韓氏中

興二年三月丙午禪位於梁天監元年夏四月丙

寅帝以梁王即帝位元年壬申都建康傳世凡四帝生

而有異光狀貌殊特有文在手曰武帝初為兒時

能蹈空而行及長博學有文武才幹性溺於釋教

郊廟牲牲皆代以麩宗廟薦羞始用菽粟幸同泰

寺鑄十萬斤銅像幸阿育王寺設無礙法喜會設

四部無遮會講金字三慧經三度捨身羣臣以錢

億萬贖帝請臨宸極三請乃許太清三年五月丙

辰侯景舉兵攻陷宮城帝憂懼寢疾崩於淨居殿



在位四十八年年八十六葬於修陵廟號高祖

年號

天監十八 普通七 大通二 中大通六 大

同十一 中大同一 太清三

簡文帝

武帝第三子諱綱字世纘母貴妃穆氏太清三年  
五月辛巳以皇太子即帝位元年庚申大寶元年十月  
乙未侯景逼帝幸西州使彭雋等進觴與帝極飲  
帝醉寢雋以土囊壓之帝崩在位二年年四十九  
葬莊陵廟號太宗

年號

大寶二

寶章閣藏版

元帝

武帝第七子諱繹字世誠母阮采女承聖元年三  
月王僧辯等平侯景傳首江陵十一月丙午即帝  
位於江陵元年壬申先是魏使宇文仁恕來聘帝接遇  
有闕魏相安定公憾之二年十一月魏軍至柵下  
大攻帝出枇杷門親臨督戰兵敗見執十二月魏  
軍殺之帝在位三年年四十七明年四月梁王方  
智承制追尊為元帝廟號世祖葬潁寧陵

年號

承聖三

敬帝

元帝第九子諱方智字惠相母夏貴妃承聖二年



七月辛丑王僧辯納貞陽侯蕭淵明自采石渡江入建業丙午即偽位司空陳霸先殺王僧辯黜蕭淵明而奉帝紹泰元年九月丙午即帝位元年太平二年十月遜位於陳陳奉帝為江陰王薨於外邸在位三年年十六謚敬皇帝

年號

紹泰 一 太平 二

右梁四主共五十六年

梁氏州郡多沿舊制天監中有州二十有三郡三百五十縣千二十有二其後更有折置大同中州一百七郡縣亦稱此初武帝受禪數載即失漢川及淮西之地梁州刺史夏侯道降魏魏將元英屯義陽今申州

寶章閣藏版

其後諸將頻年與魏軍交戰於淮南淮北互有勝負雖得縣孤城俄而又失又克壽春渦陽中大通初大舉北伐淮北城鎮相次克平直至洛陽暫為梁有其後諸將又復漢中自天監一年四十三至侯景東魏以河南地降逆亂相尋有名無實及景平後江北之地悉降高齊漢川蜀沒於西魏太清初侯景以十三州來降旋為東康陷之承聖初齊將辛術南伐盡得河南江北之地得傳國璽反於齊三年西魏將達奚武陷漢川尉遲迴陷益州大抵雍州今襄州下澁戍隋州合淝鍾離淮陰朐山為重鎮

陳繼梁



武帝

陳氏諱霸先字興國吳興人帝所出甚微初仕鄉  
為里司又為油庫吏後仕梁為陳王太平二年十  
月辛未梁敬帝禪位永定元年冬十月乙亥即帝  
位於南郊柴燎告天元五年帝雄武多英略性甚仁  
愛初平侯景及立敬帝子女玉帛皆班將士三年  
六月丙午崩於璿璣殿在位三年年五十七葬萬  
安陵廟號高祖

年號

永定三

文帝

武帝兄始興昭烈王之長子諱蒨字子華永定三

寶章閣藏版

年六月丙午即皇帝位元庚辰年帝少沈敏有識量美

容儀留意經史武帝甚愛之常稱吾家英秀初起  
自布衣知百姓疾苦每雞人伺漏傳籤於殿中者  
令投籤於階石上鎗然有聲云吾雖得眠亦令驚  
覺天康元年夏四月癸酉崩於有覺殿在位七年  
年四十葬永寧陵廟號世祖

年號

天嘉六 天康一

廢帝

文帝長子諱伯宗字奉業母沈氏天康元年夏四  
月癸酉以皇太子即帝位元丁亥年帝性仁弱刑政皆  
歸冢宰故光大二年冬十一月甲寅宣太后令廢



為臨海王太建二年四月乙卯薨在位二年年十九

年號

光大二

宣帝

始興昭烈王第二子諱頊字紹世小字師利太后既黜廢帝以帝入繼皇統元年太建元年春正月甲午即帝位十二年九月癸未夜天東南有聲如風水相激十四年正月甲寅崩於宣福殿在位十四年年五十三葬顯寧陵謚孝宣廟號高宗

年號

太建十四

寶章閣藏版

後主

宣帝長子諱叔寶字元秀小字黃奴母柳氏太建十四年正月丁巳以皇太子即帝位元年帝荒於酒色不恤政事常使張麗華孔貴嬪等八人夾坐江總孔範等十人預宴號為狎客是年秋自建業至荊州江水色赤如血天外有如風水相激之聲帝設會捨身大赦天下禎明三年正月隋將賀若弼韓擒虎進軍宮城帝逃於井中以繩引之而出至京師見宥隋仁壽四年十一月壬子終於洛陽在位七年年五十二贈大將軍封長城縣公謚煬葬河南洛陽之芒山

年號



至德四禎明三

右陳五主共三十三年

陳氏都建康傳世凡五土宇彌蹙於梁西不得

梁漢北失淮淝以長江為境文帝初湘州之地為周軍所陷後克

平之今鼎溫潭衡有州四十有二地轉狹而郡

百有九縣四百三十有八宣帝太建中頻年北

伐諸將累捷盡復淮南之地吳明徹斬高更經

略淮北大破齊軍於呂梁及旋師屬高齊亡又

總軍北伐至呂梁周軍來拒又大破之自太建

伐七年破齊軍九年又破周將梁士旋為周軍

所敗悉虜其眾十年周將王軌來伐吳明自是

江北之地盡入於周復以長江為界十二年周

寶章閣藏版

地來降又遣將及隋軍來伐遣將守狼尾灘今

州宜都公安今江陵荆門安蜀城今峽州宜巴

陵今岳巴下並風靡退散信州道大總管楊素

之守將相繼而破信州隋軍自采石隋將韓擒

京口賀若弼渡江而平之

六朝建都

南朝建都之地不過建康京口豫章江陵武昌數

處其強弱利害前世論之詳矣吳孫策以會稽為

根本大帝嗣立稍遷京口其後又嘗住公安又嘗

都武昌蓋往來其間因時制宜不得不爾及江南

已定遂還建業保有荆揚而與魏蜀抗衡其宏規

遠略晉宋而下不能易也故孫皓捨建業而之武



昌吳因以衰梁元帝捨建業而守江陵梁遂以亾  
李嗣主捨建業而遷洪府南唐遂不能以立王導  
斷然折會稽豫章之論而以建業爲根本自晉而  
下三百年之基業導之力也故孫皓議遷都武昌  
陸凱上疏曰武昌土地危險非王都安國養民之  
處船舶則沈漂陵居則峻危童謠云寧飲建業水  
不食武昌魚寧還建業死不止武昌居夫民謠本  
於天心乃以安居而比死足明天意而知民所苦  
也蘇峻亂宗廟宮室並爲煨燼温嶠議遷豫章三  
吳之豪請都會稽二論紛紜未有所適王導曰古  
之金陵聖皇所居孫仲謀劉元德皆言王者之宅  
古之帝王不以豐儉移都苟冠衛文大帛之冠何

寶章閣藏版

往不可若不續其麻樂土爲墟矣由是嶠等之議  
不行齊蕭穎胄議遷夏口柳忱以巴峽未賓不宜  
輕捨根本搖動人心帝不從俄而巴東之兵至峽  
口遷都之議遂息梁元帝臨荆峽二十年情所安  
戀不欲歸建業故府臣僚皆楚人並欲都江陵周  
洪正諫曰士大夫言聖王所都本無定處若黔首  
未見入建業便謂猶列國諸王今日赴百姓心不  
可不歸建業南唐嗣主用唐鎬計遷豫章而王都  
官舍軍壘十不容其一二自公卿下至軍士莫不  
思歸自此論之六朝以來都邑之議莫不以建康  
爲根本也

六朝宮殿



吳孫權遷都建業徙武昌宮室材瓦繕治太初宮  
吳實錄有曰臺城蓋宮省之所寓也有曰東府蓋  
宰相之所居也有曰西州蓋諸王之所宅也有曰  
倉城蓋儲蓄之所在也宮室記云皆不出都城之  
內輿地志云都城周二十里一十九步本吳宮舊  
址蓋謂是也晉琅琊王渡江鎮建康因吳舊都修  
而居之即太初宮為府舍及即帝位稱為建業宮  
更明帝不改至成帝繕苑城作新宮窮極伎巧侈  
靡殆甚宋齊而下因之稱為建康宮以此攷之六  
代宮室門牆雖時有改築然皆因吳舊址晉新宮  
在吳太初宮之東吳昭明宮孫皓所起在晉建康宮城  
西南惟元帝建業宮乃仍吳太初宮之舊今行宮

之東北乃其地也

### 太初宮

建康實錄吳孫權黃武中徙武昌棟瓦而起即長  
沙王孫策故府在晉建康宮城西南即臺城之西  
南也

### 建康宮

建康實錄晉成帝咸和七年新宮成名曰建康宮  
亦名顯陽宮注云即今之所謂臺城也輿地志云  
在法寶寺之南今在府北五里

### 新宮

晉謝安作新宮造太極殿欠一梁忽有梅木流至  
石頭城下因取為梁殿成乃畫梅花於其上以表



嘉瑞楊修之有詩云玉案金鑪對玉牀歸然應是魯靈光螭頭直上雙魚尾不讓西京舊柏梁

未央宮長樂宮建章宮長楊宮

南史宋前廢帝景和元年以東府城爲未央宮以石頭城爲長樂宮以北邸爲建章宮南第爲長楊宮東府城在古青溪橋東

靈和殿

齊武帝時殿下柳木蜀郡所獻條如絲縷帝曰此柳風流可愛似張緒少年時緒字思曼在臺城內楊修之有詩曰得地恩深雨露偏丹墀左右玉階前君王屬意君知否好似風流一少年

金華宮

輿地志云梁大同中所築昭明太子蔡妃所居在青溪東

披香殿

楊修之金陵詩注云在臺城後宮庾子山詩云宜春苑中春已歸披香殿裏作春衣蓋指此也

六朝郊社

終吳之世未暇禮文宗廟社稷不見於史晉初置宗廟在吳都城宣陽門外輿地志云在縣東二里圖經云大社大稷壇在縣一里宋齊而下時有改易晉元帝二年作南郊在宮城南十五里郭璞卜立之輿地志云在今縣城東南十八里圖經云古南郊壇在縣南十八里成帝作北郊壇於覆舟山



之陽制度一如南郊實錄云北郊壇在縣東八里  
潮溝後東近青溪又按通典宋孝武帝大明三年  
移北郊於鍾山北原道西今鍾山定林寺山顛有  
平基二所闊數十丈乃其地也南唐郊壇在長樂  
鄉去縣十二里遺址尚存今為藏冰之所

### 六朝郡國

三國鼎立之後土宇分裂得失不常魏武定西朔  
所置郡國十二新興樂平西平新平略陽帶方而  
省者七上郡朔方五原雲文帝置七朝歌陽平弋  
義陽明帝及少帝增二上庸得漢郡者五十四焉  
蜀先主於漢建安之間初置郡九巴東巴西梓潼  
朱提宕後主增二雲南得漢郡者十有一焉吳大

寶章閣藏版

帝初置郡五臨賀珠崖武少帝景帝各四臨川臨  
天門建安歸命侯亦置十有二郡始安始興邵  
平湘東合浦得漢郡者十有八焉晉武帝太  
康元年既平孫氏凡增置郡國二十有三榮陽頓  
臨淮東莞襄城汝陰長廣廣寧昌黎新野隨郡陰  
平義陽毗陵宣城南康晉安寧浦始平略陽樂平  
南省司隸置司州別立梁秦寧平四州仍吳之廣  
州凡十九司豫冀兗荆徐揚青幽平郡國一百七  
十三仍吳所置二十一仍漢舊九十三置二十一仍魏惠帝  
不君中州盡棄永嘉南渡建業今建開基九州之  
地有二焉自茲以降國分南北更王迭霸疆理不  
常宋至孝武大明中州凡二十有二郡二百三十  
有八縣千一百七十有九南齊繼統又置巴東一



郡餘並因之爲州二十有三郡三百九十五縣千四百七十有四頻與元魏侵吞互相得失蕭梁之時多沿舊制天監中有州二十有三郡三百五十縣千二十有二其後更有析置大同中州百有七郡縣亦稱於此陳氏較之土宇彌蹙西不得蜀漢北失淮淝而以長江爲境有州四十有二是其地愈狹立名益多爲郡百有九縣四百三十有八此皆疆宇之列乎南者也

### 六朝保守

晉蔡謨曰時有否泰道有屈伸暴逆之寇雖終滅亾方其強盛皆當詘而避之要終歸於大濟而已爲今之計莫若養威以俟時王羲之曰以區區江

左營綜如此天下寒心久矣中興之業政以道勝寬和爲本力爭武功非所當作二人者能言之而不得行之行之而足以安江南者孫權一人耳陸瑁嘗勸權曰九域盤互之時率須深根固本愛力惜費陸遜嘗勸權曰施德緩刑寬賦息調權報之曰發調者蓋謂天下未定事以衆濟若徒守江東修崇寬政兵自足用何以多爲顧坐自守可陋耳以此知權之志未嘗不在於天下然以傳攷之亦未嘗求逞於中國曹公來侵則破之拒之而已不艦立塢築隄遏湖作涂塘明烽燧始終所以備魏者至矣及移牋於曹公曰足下不死孤不得安則權固未嘗得志也嘉禾中因蜀寇魏一攻淮南聞



明帝東行則遽斂避諸將之攻樊城司馬懿救之亦引軍亟退自後世觀之謂之怯可也而權不以爲恥豈非天下之勢既未有可投之隙與其力爭而取敗不若退守而待時也耶史稱權繼父兄之業有臣以爲腹心股肱爪牙兵不妄動故戰少敗而江南安此權之所以爲智也及嗣主立諸葛恪爲政首侵邊以怒敵東興之戰幸捷顧不能持勝復違衆大舉一敗塗地恪既喪軀而孫氏之業因以衰焉則權之兵不妄動利害果何如也其後孫皓用諸將計數侵盜晉鄙陸抗曰苟無其時雖復大聖亦宜養威自保不可輕動今不務力農富國審官任能明黜陟慎刑罰訓諸司以德拊百姓以

仁而聽諸將徇名窮兵黷武動費萬計士卒凋弊寇不爲衰而我已大病矣夫爭帝王之資而昧千百之利此人臣之姦謀非國家之良策也抗之言兼有陸瑁陸遜蔡謨王羲之之論而皓不之用此其所以亾也東晉自庾亮經營征伐皆不能有成謝安父子乘苻堅傾敗之餘圖之如恐不及也至於渡河入鄴訖無尺寸之得宋文自以富強詰戎兵於元魏檀道濟再行無功諸將皆相繼以敗而胡馬遂至瓜步梁武遭魏氏之亂陳慶之以數千兵入洛而高高之襲幾至殲盡及貪河南之地納叛將棄睦鄰而身國顛覆陳宣帝闢土宇於北齊旋失淮泗於後周雖以桓溫劉裕非常之才度越



歷代諸將而溫伐苻健慕容暉皆幾成而敗裕平南燕滅姚秦亦既得而失則六朝用兵攻伐之策可見矣

六朝事迹編類卷之一終

光祿寺署正上元李濱古漁重校刊



